



8648/26

**Comhad Idirinstitiúideach:
2026/0092(NLE)**

**VISA 46
MIGR 115
RELEX 564
COAFR 103
COMIX 101**

GNÍOMHARTHA REACHTACHA AGUS IONSTRAIMÍ EILE

Ábhar: CINNEADH CUR CHUN FEIDHME ÓN gCOMHAIRLE maidir le Cinneadh Cur Chun Feidhme (AE) 2024/1341 maidir le forálacha áirithe de Rialachán (CE) Uimh. 810/2009 ó Pharlaimint na hEorpa agus ón gComhairle a chur ar fionraí i leith na hAetóipe a aisghairm

CINNEADH CUR CHUN FEIDHME (AE) 2026/... ÓN gCOMHAIRLE

an ...

maidir le Cinneadh Cur Chun Feidhme (AE) 2024/1341 maidir le forálacha áirithe de Rialachán (CE) Uimh. 810/2009 ó Pharlaimint na hEorpa agus ón gComhairle a chur ar fionraí i leith na hAetóipe a aisghairm

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 810/2009 ó Pharlaimint na hEorpa agus ón gComhairle an 13 Iúil 2009 lena mbunaítear Cód Comhphobail maidir le Víosáí (Cód Víosáí)¹, agus go háirithe Airteagal 25a(6) de,

Ag féachaint don togra ón gCoimisiún Eorpach,

¹ IO L 243, 15.9.2009, lch. 1, ELI: <http://data.europa.eu/eli/reg/2009/810/oj>.

De bharr an mhéid seo a leanas:

- (1) In 2022, measadh nach raibh an comhar leis an Aetóip i réimse an athlígian isteach leordhóthanach i gcomhréir le hAirteagal 25a(2) den Chód Víosáí. Bhí gá le feabhas mór ar an gcomhar maidir le gach céim den phróiseas i ndáil le hathlígian isteach, go háirithe chun a áirithiú go gcomhoibríonn an Aetóip go héifeachtach leis na Ballstáit uile maidir leis an tsainaitheint agus le heisiúint na ndoiciméad taistil chomh maith leis na n-oibríochtaí um fhilleadh ar bhealach tráthúil intuartha.
- (2) Agus na céimeanna arna nglacadh ag an gCoimisiún chun feabhas a chur ar an leibhéal comhair agus ar chaidreamh foriomlán an Aontais leis an Aetóip á gcur san áireamh, measadh go raibh gá le gníomhaíocht ón Aontas.
- (3) Le Cinneadh Cur Chun Feidhme (AE) 2024/1341 ón gComhairle² cuireadh cur i bhfeidhm forálacha áirithe den Chód Víosáí ar fionraí go sealadach i ndáil le náisiúnaigh den Aetóip. Ba é cuspóir na fionraí an Aetóip a spreagadh chun tabhairt faoi na gníomhaíochtaí is gá chun feabhas a chur ar an gcomhar maidir le hábhair athlígian isteach.

² Cinneadh Cur Chun Feidhme (AE) 2024/1341 ón gComhairle an 29 Aibreán 2024 maidir le forálacha áirithe de Rialachán (CE) Uimh. 810/2009 ó Pharlaimint na hEorpa agus ón gComhairle a chur ar fionraí i leith na hAetóipe (IO L, 2024/1341, 14.5.2024, ELI: http://data.europa.eu/eli/dec_impl/2024/1341/oj).

- (4) Ba iad na forálacha a cuireadh ar fionraí na forálacha sin a leagtar amach in Airteagal 25a(5), pointe (a), den Chód Víosáí, eadhon; an fhéidearthacht atá ann ceanglais a tharscaoileadh i ndáil leis an bhfianaise dhoiciméadach a bhíonn le cur isteach ag iarratasóirí ar víosa dá dtagraítear in Airteagal 14(6) den Chód Víosáí, an fhéidearthacht an táille víosa a tharscaoileadh i gcás sealbhóirí pasanna taidhleoireachta agus pasanna seirbhíse i gcomhréir le hAirteagal 16(5), pointe (b) den Chód Víosáí, an ghnáth-thréimhse próiseála 15 lá féilire dá dtagraítear in Airteagal 23(1) den Chód Víosáí, agus le fionraí an Airteagail sin, d'fhágfadh go n-eisiafaí cur i bhfeidhm na rialach lena gceadaítear síneadh suas le 45 lá féilire ar a mhéad ar an tréimhse sin i gcásanna aonair amháin, agus dá réir sin go mba thréimhse 45 lá féilire a bheadh sa tréimhse phróiseála chaighdeánach; agus eisiúint víosaí dul isteach iolrach i gcomhréir le hAirteagal 24(2) agus (2c) den Chód Víosáí.
- (5) Sa mheasúnú leanúnach a rinne an Coimisiún ar an gcomhar ón Aetóip maidir le hábhair athlígian isteach tar éis theacht i bhfeidhm Chinneadh Cur Chun Feidhme (AE) 2024/1341, léirítear go raibh feabhas substaintiúil marthanach ar an gcomhar maidir le hathlígian isteach go háirithe i dtaobh náisiúnaigh den Aetóip atá ag fanacht go neamhdhleathach ar chríoch na mBallstát a shainnithint, doiciméid taistil éigeandála a eisiúint agus oibríochtaí um fhilleadh a bheith á n-eagrú go tráthrialta. Dá bhrí sin, ní gá cur i bhfeidhm forálacha áirithe den Chód Víosáí i ndáil leis an Aetóip a chur ar fionraí a thuilleadh agus ba cheart Cinneadh Cur Chun Feidhme (AE) 2024/1341 a aisghairm.

- (6) I gcomhréir le hAirteagail 1 agus 2 de Phrótacal Uimh. 22 maidir le seasamh na Danmhairge, atá i gceangal leis an gConradh ar an Aontas Eorpach agus leis an gConradh ar Fheidhmiú an Aontais Eorpaigh, níl an Danmhairg rannpháirteach i nglacadh an Chinnidh seo agus níl sí faoi cheangal aige ná faoi réir a chur i bhfeidhm. Ós rud é go gcuireann an Cinneadh seo le *acquis* Schengen, tá an Danmhairg le cinneadh a dhéanamh, i gcomhréir le hAirteagal 4 den Phrótacal sin, laistigh de thréimhse 6 mhí tar éis don Chomhairle cinneadh a dhéanamh maidir an gCinneadh seo, an gcuirfidh sí chun feidhme ina dlí náisiúnta é.
- (7) Is é atá sa Chinneadh seo forbairt ar fhorálacha *acquis* Schengen nach bhfuil Éire rannpháirteach iontu, i gcomhréir le Cinneadh 2002/192/CE ón gComhairle³; dá bhrí sin, níl Éire rannpháirteach i nglacadh an Chinnidh seo agus níl sí faoi cheangal aige ná faoi réir a chur i bhfeidhm.
- (8) Maidir leis an Íoslainn agus an Iorua, is é atá sa Chinneadh seo forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá thír sin le *acquis* Schengen⁴ a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointe B, de Chinneadh 1999/437/CE ón gComhairle⁵.

³ Cinneadh 2002/192/CE ón gComhairle an 28 Feabhra 2002 maidir leis an iarraidh ó Éirinn a bheith rannpháirteach i roinnt forálacha de *acquis* Schengen (IO L 64, 7.3.2002, lch. 20, ELI: <http://data.europa.eu/eli/dec/2002/192/oj>).

⁴ IO L 176, 10.7.1999, lch. 36, ELI: [http://data.europa.eu/eli/agree_internation/1999/439\(1\)/oj](http://data.europa.eu/eli/agree_internation/1999/439(1)/oj).

⁵ Cinneadh 1999/437/CE ón gComhairle an 17 Bealtaine 1999 maidir le socrúithe áirithe i dtaca le cur i bhfeidhm an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá thír sin le *acquis* Schengen a chur chun feidhme, a chur i bhfeidhm agus a fhorbairt (IO L 176, 10.7.1999, lch. 31, ELI: <http://data.europa.eu/eli/dec/1999/437/oj>).

- (9) Maidir leis an Eilvéis, is é atá sa Chinneadh seo forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen⁶ a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointe B, de Chinneadh 1999/437/CE arna léamh i gcomhar le hAirteagal 3 de Chinneadh 2008/146/CE ón gComhairle⁷.
- (10) Maidir le Lichtinstéin, is é atá sa Chinneadh seo forbairt ar fhorálacha *acquis* Schengen de réir bhrí an Phrótacail idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen⁸ a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointe B, de Chinneadh 1999/437/CE arna léamh i gcomhar le hAirteagal 3 de Chinneadh 2011/350/AE ón gComhairle⁹.

⁶ IO L 53, 27.2.2008, lch. 52, ELI: [http://data.europa.eu/eli/agree_internation/2008/178\(1\)/oj](http://data.europa.eu/eli/agree_internation/2008/178(1)/oj).

⁷ Cinneadh 2008/146/CE ón gComhairle an 28 Eanáir 2008 maidir le tabhairt i gcrích an Chomhaontaithe, thar ceann an Chomhphobail Eorpaigh, idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt (IO L 53, 27.2.2008, lch. 1, ELI: <http://data.europa.eu/eli/dec/2008/146/oj>).

⁸ IO L 160, 18.6.2011, lch. 21, ELI: <http://data.europa.eu/eli/prot/2011/350/oj>.

⁹ Cinneadh 2011/350/AE ón gComhairle 7 Márta 2011 maidir le tabhairt i gcrích an Phrótacail, thar ceann an Aontais Eorpaigh, idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt, a bhaineann le seiceálacha ag na teorainneacha inmheánacha a dhíothú agus le gluaiseacht daoine (IO L 160, 18.6.2011, lch. 19, ELI: <http://data.europa.eu/eli/dec/2011/350/oj>).

(11) Is é atá sa Chinneadh seo gníomh atá ag cur le *acquis* Schengen nó atá gaolmhar leis ar dhóigh eile, de réir bhrí Airteagal 3(2) d'Ionstraim Aontachais 2003,

TAR ÉIS AN CINNEADH SEO A GHLACADH:

Airteagal 1

Aisghairtear Cinneadh Cur Chun Feidhme (AE) 2024/1341.

Airteagal 2

Gabhfaidh éifeacht leis an gCinneadh seo an dáta a thabharfar fógra faoi.

Airteagal 3

Dírítear an Cinneadh seo chuig Ríocht na Beilge, Poblacht na Bulgáire, Poblacht na Seice, Poblacht na Cróite, Poblacht Chónaidhme na Gearmáine, Poblacht na hEastóine, an Phoblacht Heilléanach, Ríocht na Spáinne, Poblacht na Fraince, Poblacht na Cróite, Poblacht na hIodáile, Poblacht na Cipire, Poblacht na Laitvia, Poblacht na Liotuáine, Ard-Diúcacht Lucsamburg, an Ungáir, Málta, Ríocht na hÍsiltíre, Poblacht na hOstaire, Poblacht na Polainne, Poblacht na Portaingéile, an Rómáin, Poblacht na Slóivéine, Poblacht na Slóvaice, Poblacht na Fionlainne, agus Ríocht na Sualainne.

Arna dhéanamh in/sa ..., ...

Thar ceann na Comhairle

An tUachtarán